

Uunga siunnersuut: Aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnera pillugu Inatsisartut inatsisaat

(Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Akissuteqaat

(Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Aappassaanerreqarnera

Inuussutissarsiornermut Aatsitassanullu Ataatsimiititaliaq inatsisissanut siunnersuutiniq peqqissaartumik suliarinninnerannut isumaliutissiissuteqarneranullu Naalakkersuisut qutsavigaat.

Naalakkersuisut paasivaat ataatsimiititaliami amerlanerussuteqartut siunnersuutit tapersersoraat aammalu siunnersuutit akuerineqarnissaat inassutigalugu, kisianni taamaattoq ajornartorsiutaasinnaasut ataasiakkaat uparuarlugit.

Ajornartorsiutit uparuarneqartut Naalakkersuisut tusaatissatut tiguaat aammalu siunnersuutit marluk taakkua aqunneqarneranni ataatsimiititaliap isummersuutai ilanngutissallugit.

Pinngortitamut avatangiisinullu suliassaqarfimmi allatut aaqquissuussinermut tunngatillugu ammasuunissap pingaaruteqarnera ataatsimiititaliap erseqqissarpaa, aammalu Inatsisartuni ataatsimiititaliat attuumassutillit piffissaqarluartumik ilisimatittaqqullugit Naalakkersuisut qinnuigalugit.

Inatsisartuni ataatsimiititaliat suleqatigilluarnissaat Naalakkersuisut kissaatigaat, aammalu allannguisoqassappat ataatsimiititaliat attuumassutillit suliap ingerlanerani sapinngisamik siusinnerpaamik ilisimatinneqartarnissaat isumagissallugu.

Naalakkersuisut aqutsisoqarfinnik marlunnik attassinissamut inatsisitigut tunngavissat atorunnaarsinniarmatigit, aammalu aatsitassanut suliassaqarfiup, taamaalillunilu aamma aningaasat malittaatinneqartut, nammineerluni toqqaannartumik politikkikkut aqunneqarnissaat qulakkeerniarlugu, oqartussat politikkimut attuumassuteqanngitsut atorunnaarsinniarniqarmata, ataatsimiititaliami ikinnerussuteqartut akuersaarneqarsinnaanngitsutut isigaa.

Tassunga tunngatillugu oqaatigineqassaaq inatsisitigut tunngavissat atorunnaarsinneqanngimmata. Aqutsisoqarfinnut ataatsimut arlalinnulluunniit annertunerusumik annikinnerusumilluunniit aatsitassanut suliassaqarfik suli

isumagittinneqarsinnaavoq, tamatumunngalu inatsimmi aalajangersagaasumik pisussaaffeeruttoqaannartussaavoq. Aqutsisoqarfiit aamma Naalackersuisoqarfiit suliassaqarfinnut akisussaasuusut ataanni immikkoortortaapput, taamaalillutillu politikkimut attuumassuteqanngitsutut inissisimanatik, tassami Naalackersuisoqarfik qullersaasoq immikkoortortamut atiminiittumut tunngatillugu ilitsersuisinnaatitaammat. Aningaasassanut aamma tunngatillugu, allaffissornermut atasumik aningaasartuuteqarnissaq malittaasarpog, taamaalilluni aningaasassat malittaatinneqartut suliassanut maannamut immikkoortortami inississimasimasunut atugassanngortinneqartussaapput.

Tamatuma saniatigut ikinnerussuteqartut isumaqarput, aatsitassanut suliassaqarfimmi piginneqataasarnermut ineriartortitsinermullu tunngatillugu Kalaallit pitsaaneruseqarsimik qulakkeeriffiginissaannik isumaliutersuuteqarsimannginneq isornartoqartoq.

Tassunga tunngatillugu oqaatigineqassaaq aatsitassanut tunngasunik suliqaarneq pillugu Inatsisartut inatsisaat 2023-mi akuerineqarmat aammalu nutarterneqarsimasutut isigineqarluni, aammalu piginneqataasarneq pillugu apeqqut oqallisigineqarsimanani.

Naalackersuisut taamatut oqaaseqarlutik siunnersuutit allannguuteqartinnagit akuerineqarnissaat siunertaralugu aappassaanneerseqartussanngortippai.